



**An Roinn Tithíochta,
Rialtais Áitiúil agus Oidhreachta**
Department of Housing,
Local Government and Heritage

Toilithe ón Aire d'Oibreacha ar Shéadchomhartha Náisiúnta (Ráiteas Príobháideachais)

Is í an Roinn Tithíochta, Rialtais Áitiúil agus Oidhreachta an Roinn Rialtais atá freagrach as tithíocht agus uisce, as pleanáil fhisiciúil agus spásúlachta, as rialtas áitiúil, as réamhaisnéis na haimsire agus as oidhrecht thógtha agus nádúrtha.

Tá an Roinn tiomanta do do phríobháideachas a chosaint agus a urramú. Míníonn an ráiteas príobháideachais seo conas a phróiseálfaidh an Roinn, mar Rialaitheoir Sonraí, na sonraí pearsanta a chuirtear ar fáil di i leith an chomhairliúcháin phoiblí maidir le riarachán na n-iarratas do Thoilithe an Aire d'oibreacha ar shéadchomhartha náisiúnta; conas a úsáidfear an fhaisnéis sin, agus cé na cearta is féidir leat a fheidhmiú maidir le do shonraí pearsanta.

Cuspóirí na próiseála

Úsáidfídh an Roinn an t-eolas a cuireadh ar fáil di chun iarratais a riar le haghaidh Toilithe an Aire maidir le hoibreacha ar shéadchomharthaí náisiúnta.

Is ceanglas reachtúil é soláthar do shonraí pearsanta ná maidir le Toilithe an Aire, a cuireadh ar fáil faoi alt 14 d'Acht na Séadchomharthaí Náisiúnta, 1930, arna leasú ag alt 5 d'Acht na Séadchomharthaí Náisiúnta (Leasú), 2004.

Próifíliú

Ní úsáidfídh an Roinn aon sonraí pearsanta bailithe uait maidir le Toilithe d'oibreacha ar shéadchomhartha náisiúnta le haghaidh cinnteoireachta uathoibríthe, nó chun críocha próifílithe.

Dlíthiúlacht na próiseála

Tá próiseáil do shonraí pearsanta dleathach faoi Airteagal 6(1)(e) RGCS agus alt 14 An tAcht Séadchomhartha Náisiúnta 1930 arna leasú ag alt 5 d'Acht na Séadchomharthaí Náisiúnta (Leasú), 2004.

Slándáil do shonraí pearsanta

Cuireann an Roinn bearta teicniúla agus eagraíochta cuí i bhfeidhm chun do chuid eolais a chosaint ó rochtain neamhúdaráithe. Mar sin féin, in ainneoin na n-iarrachtaí seo, níl aon bhearta slándála foirfe nó dothreáite, agus ní féidir aon mhodh tarchuir sonraí a ráthú i gcoinne idircheapadh nó aon saghas mí-úsáide eile. Sa chás go gcuirtear isteach ar do shonraí pearsanta mar thoradh ar shárú slándála, cuirfear polasaí agus nósanna imeachta Bainistíochta Sáruithe na Roinne i bhfeidhm.

Faighteoirí na sonraí

Tá iarratais do Thoilithe an Aire agus na doiciméid a bhaineann leis roinnte le hArd-Mhúsaem na hÉireann mar a fhoráiltear faoi Achtanna na Séadchomharthaí Náisiúnta.

Téitear i gcomhairle le hOifig na nOibreacha Poiblí i gcásanna ina mbaineann iarratas do Thoilíú le hoibreacha beartaithe timpeall ar nó gar do shéadchomhartha náisiúnta a bhfuil an tAire mar úinéir agus caomhnóir air.

Is féidir sonraí roinn rialtais pearsanta a mhalartú le Ranna Rialtais eile, údaráis aitiúla, gníomhaireachtaí faoi choimirce na Roinne, nó comhlachtaí poiblí eile, i gcúinsí áirithe dá bhforáiltear leis an dlí.

Aistrithe Sonraí Trasteorann

Ní aistroidh an Roinn sonraí pearsanta a bhailítear maidir le Toilithe d'oibreacha ar shéadchomhartha náisiúnta go haon tír nó eagraíocht idirnáisiúnta taobh amuigh den AE/LEE.

Cé chomh fada a choimeádfar do shonraí?

De ghnáth, ní choinneoidh an Roinn do shonraí pearsanta ach chomh fada agus is gá chun na críocha dá mbailítear iad a chomhlíonadh agus aon cheanglais dhlíthiúla, chuntasaíochta nó tuairiscithe a shásamh, lena n-áirítear comhlíonadh an Achta um Chartlann Náisiúnta, 1986, i gcás inarb iomchuí. Is féidir é a choimeád le haghaidh tréimhse níos faide chun críocha taighde eolaíochta nó staire, nó chun críocha staidrimh.

Do chearta

Tá an [Beartas Cosanta Sonraí](#), ag an Roinn, a leagan amach conas a úsáidfimid do shonraí pearsanta, chomh maith le heolas a sholáthar maidir le do chearta mar ábhar sonraí (lena n-áirítear sonraí maidir le ceart rochtana, ceart chun ceartúcháin, ceart chun scriosta, ceart chun próiseáil a shrianadh, ceart agóide), ar fáil ar ár suíomh gréasáin. Tá an beartas ar fáil freisin mar chóip chrua nuair a iarrtar é. Má mheasann tú gur sáraíodh do chearta, tá sé de cheart agat gearán a dhéanamh le Coimisiún um Chosaint Sonraí (www.dataprotection.ie), agus tá sé de cheart agat leigheas breithiúnach a lorg.

Déan teagmháil linn

Má tá níos mó eolais ag teastáil uait, nó má tá tú ag iarraidh do shonraí pearsanta a fháil, le do thoil déan teagmháil le h**Oifigeach Cosanta Sonraí**, na Roinne, tá sonraí thíos:

Oifigeach Cosanta Sonraí

An Roinn Tithíochta, Rialtais Áitiúil, agus Oidhreachta

Bóthar an Bhaile Nua

Loch Garman

Ríomhphost: data.protection@housing.gov.ie

Dáta: 17 Meitheamh 2022